

Usaha UPM mendepani realiti

ANTARA usaha yang dilaksanakan oleh UPM bagi mendepani realiti pendidikan tinggi tempatan dan global adalah melaksanakan penjimatan dalam pengurusan dan pengurangan kos melalui pelbagai kaedah dan model yang tidak menjaskan kualiti perkhidmatan universiti tanpa kompromi.

Sekiranya aspek kualiti tidak diberikan perhatian, ia bukan sahaja menjaskan usaha universiti pada masa kini, tetapi akan menyebabkan universiti mengambil masa yang lebih untuk meningkatkan lonjakan di persada global.

Universiti juga merangka inisiatif untuk meningkatkan pendapatan melalui penawaran program prasiswazah dan pascasiswazah dalam bidang-bidang terpilih mengikut permintaan pasaran. Ini termasuk mempelbagaikan mod pengajaran dan pembelajaran melalui program eksekutif, pendidikan jarak jauh, MOOC dan penawaran program *hybrid* yang distruktur mengikut keperluan rakan korporat/kolaborasi yang mempunyai memorandum

perjanjian dengan UPM.

Menggunakan lain-lain pendekatan berbeza bagi penjimatan dan peningkatan produktiviti mengikut keutamaan (prioritize).

Sudah tentu universiti menghadapi kekangan daripada pelbagai aspek seperti peningkatan kos bagi menyediakan kemudahan kepada pelajar dan masyarakat, di samping tanggungjawab menyebarkan ilmu kepada masyarakat pada kadar yang berpatutan (kos berubah tetapi kadar yuran tetap sama).

Kita sarankan agar kerajaan melalui Jabatan Perkhidmatan Awam untuk menaja pelajar cemerlang di IPTA. Ini dapat menjimatkan kos penghantaran ke luar negara dan boleh meningkatkan lebih ramai penerima tajaan untuk menerima manfaat tersebut. Ia juga menjimatkan kos pertukaran wang asing yang pada masa ini meningkatkan kos penghantaran pelajar. IPTA mempunyai pelbagai program setanding universiti terkemuka di luar negara

Harapan saya, kerajaan akan terus memberi sebahagian peruntukan kepada IPTA, agar dapat memberi pendidikan tinggi kepada pelajar Malaysia dengan kos sangat minimum.

- Prof Datin Paduka Dr Aini Ideris
Naib Canselor UPM

